

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیده اخذ
ایدیلور

نسخه سی ۴۰ پاره در

تجارتیه

سنه لکی در سعادت ایچون مجیده
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

پروژه سنجانگی بدایت محکمه سی مدعی عمومی
معاونلکی قیصریه سنجانگی بدایت محکمه سی مدعی
عمومی معاونی فرید افندی به
قیصریه سنجانگی بدایت محکمه سی مدعی عمومی
معاونلکی جسر مصطفی پاشا قضاسی بدایت محکمه سی
جزا دائره سی ریسی مصطفی عاشر بکه
جسر مصطفی پاشا قضاسی بدایت محکمه سی جزا
دائره سی ریاستی سلطان یری قضاسی بدایت محکمه سی
جزا دائره سی ریسی سابقی رفعتلو صبری بکه
ترغویشته قضاسی بدایت محکمه سی مدعی عمومی
معاونلکی غوسینه قضاسی بدایت محکمه سی مدعی
عمومی معاونی سلیمان فائق افندی به
غوسینه قضاسی بدایت محکمه سی مدعی عمومی
معاونلکی ترغویشته قضاسی بدایت محکمه سی
مدعی عمومی معاونی یوسف ضیا افندی به تفویض
بیورلش ومومی الیم ذاتاً محلف بولنشددر.

تجربین و تحویل

طویران قضاسی بدایت محکمه سی مستنطقلکنه
آطه پازاری قضاسی بدایت محکمه سی مستنطق سابق
راغب افندی
کلیولی سنجانگی بدایت محکمه سی مستنطقلکنه
قسطنونی ولایتی مرکز بدایت محکمه سی ایکنجی
مستنطق لطفی افندی
قسطنونی ولایتی مرکز بدایت محکمه سی
ایکنجی مستنطقلکنه سینوب سنجانگی مستنطق سابق
تحسین افندی
قالقاندن قضاسی بدایت محکمه سی مستنطقلکنه
قره مرسل قضاسی بدایت محکمه سی مستنطق نافذ
افندی

قره مرسل قضاسی بدایت محکمه سی مستنطقلکنه
آیدین سنجانگی بدایت محکمه سی مستنطق ابراهیم
افندی

آیدین سنجانگی بدایت محکمه سی مستنطقلکنه
قرق کلیسا سنجانگی بدایت محکمه سی مستنطق سابق
انور افندی تعیین اولنشددر.

محاکمات و مقررات

محکمه تمیز حقوق دائره سندن تنظیم واعطا
اولان اعلامدر:

آطه پازاری قصبه سنک روم محله سنده مقیم دکرمانجی
اصنافدن آنستاش اوغلی افیم ایله دوزجه قصبه سنک
شرقیه محله سی اهالیسندن رجب اغا زاده عثمان افندی
بیننده متحدث دعوایه دائره دوزجه بدایت محکمه سندن
۲۲ کانون اول سنه ۳۱۳ تاریخی واون یدی عددی
ایله لاحق اولان اعلام مرقوم افیم طرفندن تمیز
اولنغله اعلام مذکور طرفینک اعتراض وجواب
لایحه لرله بالمطالعہ تدقیقات تمیزیه اجراسنه ابتدار
اولندی.

اعلام مذکورک خلاصه مالی مومی الیه عثمان
افندی دوزجه قضاسی قراسندن حاجی موسی قریه -
سنده متصرف اولدینی بر باب دکرمانک مستأجری
مرقوم افیمک تجارندن حاجی موسی افندی به دینی
اولوب بحسب الکفاله تأدیه ایتدیکی بیک سکز یوز
التمش بش و مذکور دکرمانک ایجارندن غیر از مأخوذ
درت بیک یوز الی و مذکور دکرمانه وضع ایدلمک
اوزره بامقاوله آلمش اولدینی طاقم آثمائی اوچ بیک
بش یوز غروش که جمعاً مرقوم ذمتده آلهجی بولنان
طقوز بیک بش یوز یکرمی بر غروشک مرقومدن
تحصیلانی طلب ودعوی ایتسی ولاجل المحاکمه تعیین
قلنان کونده مرقوم افیمک دعوت واقعه به اجابت
ایتماسی اوزرینه وکیل مسخر تعیینیه عن الغیاب

جریان ایدن محاکمه وتدقیقات نتیجه سنده مدعی
مومی الیهک دکرمان ایجارندن درت بیک یوز الی الی
وطاقم آثمائندن اوچ بیک بشیوز و ویرکودن اوچیوز
غروش آلهجی اولدینی مقاولات محرر لکنندن مصدق
اوله رق ابراز اولسان مقاوله نامه مندرجاتیله ثابت
اولوب التحق مبالغ مدعا بهادن بیک سکز یوز کسور
غروشله ایکی یوز غروش اشیا بدلتک اثباتندن مرقوم
اظهار عجز ایله مدعی علیک یمینه تعلیقاً حکم اعطاسی
طلب ایتش اولمسنه وسند مذکور اصول محاکمه
حقوقیه قانوننک یتش در دنجی ماده سی حکمنجه
سندات رسمیه دن معدود بولنمسنه بناءً بجله نک بیک
الی یوز طقوزنجی ماده سی حکمنه توفیقاً مذکور
درت بیک یوز الی الی غروش اجرت و اوچ بیک بش
یوز غروش طاقم و اوچیوز غروش ویرکونک برمنوال
محرر ثابت اولمسنه بناءً و بیک سکز یوز التمش بش
غروشله ایکی یوز غروش دکان اشیا سی بدلتک دخی
مدعی علیه مرقومک انکاری حالنده یمینه تعلیقاً مدعی
علیه دن اخذ واستیفاسیله مدعی مومی الیه اعطاسنه
حکمدن ومستدعی تمیزک اشبو اعلام علیه نه لایحه
سنده محرر باشلوجه اعتراضی اساس دعوی مشترک
دکرمانک بدل ایجارینه متدائر اولوب مبلغ مدعا به
جمیع شرکایه عائد اولدینی حالده ایجارندن بریسنک
اقامه ایدلیکی دعوانک استماع وحکم ایدلسی یولسز
واحکام بجله به و اصول محاکمه به مخالف اولدینندن
بجله اعلامک نقضی استدعاسندن ومدعی علیک تمیز
جوابی دخی اعتراض مذکور غیر وارد اولدینی بیانیله
ردی وموافق قانون اولان اعلامک تصدیق طلبندن
عبارت بولنشددر.

ایجابی مذاکره اولندقدده اعلام مذکور مندر -
جاتندن منفهم اولدینی اوزره ایجاری طلب اولسان
دکرمان مدعی عثمان افندی ایله شخص آخرک بروجه
نصفیت تصرفنده اولدینی وعقد ایجار دخی هر
ایکیسی طرفندن وقوع بولدینی حالده محکمه به بوراسی
نظر دفته آلمقسنزین مجموع ایجارک مدعی به ایفاسنه
قرار ویرلسی یولسز ومغایر قانون اولدینغه بناءً اصول

محاکمه حقوقیه قانونک ایک یوز قرق برنجی ماده سی موجبجه اعلام مذکورک ققضنه وقانون مزبورک ایک یوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوره به اعاده سنه ومستدعینک فقر حالته دائر علم وخبر اولغله صورت وتبلیغ وقیدیه خرجارندن عفو به ایک یوز یکریمی اوچ یجی غروش مصارف تمیزیه نک ایلروده حقسز چیقه جق طرفه رجوع ایتک اوزره اول امرده مستدعی تمیزدن آلمسنه ۳ تشرین اول سنه ۳۱۴ تاریخنده متفقاً قرار ویرلدی .

نعلالوخان قضاوتک صوران کبیر قریه سنده ساکنه حاجی حسن زوجیه سی حامده خاتون ایله قصبه مذکوره ده مقیمه حاجی حسن کریمه سی ذلیخا خاتون بیننده متحدث دعوا به دائر انقره استیناف محکمه سندن ۲ تشرین اول سنه ۳۱۲ تاریخی واون سکر عددی ایله ویریلان اعلام مزبوره حامده خاتون طرفندن تمیز ایدلکه اعلام مذکور طرفنک اعتراض وجواب لایحه لرله بالمطالعنه تدقیقات تمیزیه اجرا سنه ابتدار قلندی .

اعلام مذکورک خلاصه مائی مزبوره ذلیخا خاتونک مورث وپدری متوفی حاجی حسن اغادن کندوسنه انتقال ایدن برقطعه ترلایه والده سی مزبوره حامده خاتون طرفندن مداخله اولدیفندن بخله منفی طلب واداء برقطعه طابو سندی ابراز واعطا ایتسنه قارشو مدعی علیا مزبوره حامده خاتون دخی زوجی متوفی حاجی حسن اغا حال حیاتنده منازع فیه ترلای رامز بکدن کندوسی ایچون صاتون آلدیفنی مدافعه درمیان ایلسی اوزرینه اولباده سبق ایدن محاکمه وتدقیقات نتیجه سنده منازع فیه ترلانک مدعیه نک عهده تصرفنده اولدیفنی عندالحاکمه استماع اولنان شهودک شهادت لرله ثابت اولسنه بناءً مجله نک بیک سکر یوز اون سکرنجی واراضی قانوننامه هایوننک الی دردنجی ویتش سکرنجی ماده لری موجبجه مدعی علیا حامده خاتونک منازع فیه اولان ترلایه مداخله سنک منعه دائر نعلالوخان بدایت محکمه سندن ویریلان اعلامی مدعی علیا حامده خاتون عدم قبول ایله استیناف ایتش ایسه ده منازع فیه ترلانک بیک ایکویوز غروش قیمتی وسنوی یوز الی غروش ایرادی اولدیفنی درجه اولی محکمه سنده طرفین جانبندن تعیین وتقدیر ایداش وشو حالده اصول محاکمه حقوقیه قانونک یوز یتش برنجی ماده سی موجبجه دعوا ی واقعه نک قابل استیناف اولدیفنی تعین ایتش اولسنه مبنی قانون مذکورک یوز طقسان التبی ماده سی حکمنه توفیقاً استیناف استدعا

سنگ ردینه حکمدن واشبو حکم علیهنده مستدعیه نک لایحه سنده محرر باشلوجه اعتراضی منازع فیه ترلانک املاک قلمنجه بش بیک غروش قیمتی اولدیفنی محرر وسنوی بش التی یوز غروش ایراد کتوردیکنی اثباته مقتدر ایکن عندالاستیناف بو یولده اجرای تدقیقات اولنامسی مغایر قانون اولدیفندن بخله اعلامک قضی استدعا سندن ومدعی علیانک لایحه سنده مندرج نتیجه جوابی دخی اعتراض واقع واهی و بی اساس ایدوکی بیانیه ردی ومندرجائی قانوناً بحق عد ایدیلان اعلامک تصدیق طابندن عبارت بولمشد .

ایجابی لدی المذاکره اعلام مذکور مطالعه سندن مستبان اولدیفنی اوزره منازع فیه ترلانک بیک ایکویوز غروش قیمتنده اولدیفنی مزب سند مآلندن اکلاشلمسی اوزرینه دعوا ی واقعه نک قابل استیناف اولدیفنه قرار ویرلش ایسه ده مستأنف مزبوره حامده خاتون مدعا به ترلانک قیمت حاضر سی بش بیک غروشیدن زیاده ایدوکی سولسنه وبوقوله دعوا یکنک قابل استیناف اولوب اولدیفنک فصلی منازع فیه ترلانک حال حاضر قیمتنه کوره اوله جغه نظراً محکمه جه تحقیقات لازمه اجرا سیله تبیین ایده جک حاله کوره حکم ایدلک لازم کلورکن بو یولده اجرای معامله ایدلکسزین عتیق طابو سندینه بناءً بروجه محرر حکم اولنسی یولسز واصول وقانونه مخالف ومستدعیه نک بوجهته دائر اولان اعتراضی موافق نفس الامر کورلش اولدیفندن اصول محاکمه حقوقیه قانونک ایکویوز اوتوز ایکنجی ماده سی موجبجه اعلام مذکورک ققضیه قانون مزبورک ایکویوز قرق دردنجی ماده سی حکمنه توفیقاً کیفیتک بالرؤیه اعلامه ربطی ضمننده محکمه مذکوره به اعاده سنه ۱۴ حیزران سنه ۳۱۳ تاریخنده متفقاً قرار ویرلدی .

متوفی ملازم حسین افندینک خانه سندن تقد واشیاسنی سرقت ایدلیکی ادعا اولنسندن دولای جنایتله اتهام اولنان اسماعیل بن کرد محمدک بش سنه مدته کورکه قولسنه دائر جانبک سنجانجی بدایت محکمه سی جزا دائره سندن اعطا قلنان ۳۴۲ نومرولی اعلام ادریس بن آدمی قتل ایدلیکی ادعا اولنسنندن دولای جنایتله اتهام اولنان یا قوشمنه نک اون بش سنه مدته کورکه قولسنه دائر ارکری سنجانجی بدایت محکمه سی جزا دائره سندن اعطا قلنان ۱۱۳ نومرولی اعلام حسین بن محمدک قاتلنه معاونت ایدلکاری ادعا اولنسنندن دولای جنایتله اتهام اولنان سلیمان وصالح وسالم بن یوسفک بشرسنه مدته کورکه قولنلرینه دائر

قدس شریف سنجانجی بدایت محکمه سی جزا دائره سندن ویریلان ۱۳۳ نومرولی اعلام

محمدک جرح قتلندن دولای جنایتله اتهام اولنان بیرام بن محمدک اون بش سنه مدته کورکه قولسنه دائر منتشا سنجانجی بدایت محکمه سی جزا دائره سندن اعطا قلنان ۱۳۷ نومرولی اعلام حیدر اوغلی خلیل قتل قصدیه جرح ایدلیکی ادعا اولنسنندن دولای جنایتله اتهام اولنان قسطنی ولد بنایوطک بش سنه مدته کورکه قولسنه دائر آیدین ولایتی استیناف محکمه سی جزا دائره سندن ویریلان ۳۴۴ نومرولی اعلام

قفا دار اوغلی رضایی جرح ایدلیکی ادعا اولنسنندن دولای جنایتله اتهام اولنان حاجی حسنک اوچ سنه مدته کورکه قولسنه دائر صاروخان سنجانجی بدایت محکمه سی جزا دائره سندن ویریلان ۱۳۵ نومرولی اعلام

محمد بن منصور درغام واحد بن شاهین الزمر ایله رفقا سنه قتل قصدیه تشبیر سلاح ایدلکاری ادعا قلنسنندن دولای جنایتله اتهام اولنان جمعه بن عبدالفتاح الکردی وحسن بن عباده ماردینی وعینی زلفوبلیک وحی الدین بن علی هوارینک اوچر سنه مدته کورکه قولنلرینه دائر سوریه ولایتی استیناف محکمه سی جزا دائره سندن اعطا قلنان ۱۳۶ نومرولی اعلام

محمد بن عباس مؤمنک طریق حامده اوکنه جقه رق نقود واشیاسنی سرقت ایدلیکی ادعا اولنسنندن دولای جنایتله اتهام اولنان حسن بن سلیمانک اوچ سنه مدته کورکه قولسنه دائر لازیه سنجانجی بدایت محکمه سی جزا دائره سندن ویریلان ۴ نومرولی اعلام محکمه تمیز جزا دائره سنجه تصدیق قلنمشد .

۶۱۳ نومرولی نسخه ده مندرج در سعادت جنایت محکمه سی اعلامنک مابعدی :

دیگر مهم اسکندر دخی اون بر لیرا قیمتنده اولوب تعمیر ایتک اوزره جبرائیله ویردیک قلعجی مرقوم صائمش وکندوسنه اون بر لیرا قی سند ویرمش اولدیفندن برکون غلطه ده عزب قیوسندن بر آراهیه یتنه رک جبرائیلک خانه سنه کلوب آراهیه جی به بر مجیدیه ویره رک ایک جاریک آلدیفنی واکیه جبرائیلک خانه سنده باتدقندن سوکره کیده جکی صروده آله جغه مقابل جبرائیلدن پاره طلب ایتدیکنده درت چاریکی کندوسنه ویرمکه بوجار بکاردن بریسی توتونجی به ویدیکری آشیجی به بوزدیردیفنی وبالا آخره ضابطه مأمورلری طرفندن اوزری تحری ایدیلرک قلب

چار بکیرک ایکسی ظهور ایتدیکنی وکندوسی مذکور چاریکیرک قلب اولدیفنی بیلیمه رک آلوب ویردیکنی وجبرائیلک خانه سنه اخشام کیچ وقت کیدوب صباحین ایرکندن چیقمقده اولدیفنی ویرکون جبرائیلک بقاله مجیدیه بوزدیروب بقساک ویردیک جیل چاریکیرک باقره رق عجباً دیگر جنس کموشدن اولمزجی دیدیکنی وکندوسنک قلبنلکده اشتراکی اولدیفنی اتیان ایلدی .

بوصره ده متهملردن اسکندرک اوزرنده وجبرائیلک خانه سنده اجرا ایدیلان تحریاتی حاوی ضبط ورقه لری او قوتدیرلده قده اوراق آفهند ۱۲ مارت سنه ۳۴۳ تاریخلی ضبط ورقه سنده اسکندرک اوزرنده بولنان چانقه سندن ظهور ایدن مختلف اچقه میاننده کی ایک عدد سیم مجیدیه چاریکنک قلب اولدیفنی عند المعاینه اکلاشلمش و مرقوم اسکندر مذکور چاریکیرکی اون قیاندن آراهیه راکب اولدیفنی بر آراهیه جیدن آلدیفنی سولیش ایدوکی اشعار و ۱۲ و ۱۷ و ۳۱ مارت سنه ۳۴۳ تاریخلی ضبط ورقه لرده دخی جبرائیلک خانه سنده اجرا ایدیلان تحریاتده سکسان بر عدد مجیدیه چاریکی شکنده هنوز تسویه وضرب اولنامش معدن ومجیدیه ایل چاریک اعماله مخصوص آلات ودوشمه تحمیری آره سنده نحاسدن معمول ومجیدیه چاریکی اعماله مخصوص ایک وتیوردن طغرا اعمالی ایچون استعمال اولنان برکه جماعاً اوچ عدد باصمه قالب وینه تیموردن معمول مجیدی چاریکنک علایقی اعماله مخصوص زما وبر عدد قالب یتاغی وبر عدد قالب قوی وقصقاج دروننده چلیکدن معمول مجیدی چاریکنک زما قالبی وچلیکدن دوکمه مجیدیه قالبی وتسویه ایدلش درت کوشه چلیک زما ودوکمه قالب ویرنچدن معمول درجه دینیلان قوم قالبی وکیر چکیچ واریدلش کوش صغومغه مخصوص قالب والی عدد اکه وایکی عدد مقراص وکوش اربتمکه مخصوص پوطه ومنکنه طاقی ومعدن اربتمکه مخصوص صغیر کفچه وچاریک مجیدیه نک قطری تعین ایتک ایچون استعمال اولنان تیمور آلت وکوش قازیمغه مخصوص قلم تقسیم پرکاری وکوچک ترازو وصغیر تیمور زما ومخلوط قلب اچقه مرکباتی وبرقوطو دروننده چیتقو قورشون قلا ی ظهور ایدلیکی ازار ایدلشد .

ضبط ورقه لرده مندرج اولان وامانت دائره سندن کتوردیلان قلب اچقار ایل بونلری اعماله مخصوص قابل وقابزن آلات وادواتی متهمله اراؤه ایدلکدن سوکره قرائت ایتدیریلان اوراق مندرجانه وقلب اچقار ایله قابلره قارشو نه دیه جکری متهملردن

صورلدقده بونلردن جبرائیل قلب ایک چاریکدن ماعدا قابلر وقلب اچقار وقابزن آلات وادواتی کندوسنک خانه سندن ظهور ایتدیکنی واسکندرک اوزرندن چیقان قلب چاریکیرک ایله هنوز تسویه ایدلماش اولان چاریکیرکی بوقابلر ایله اعمال ایتدیکری درمیان واسکندرده اوزرنده ظهور ایدن قلب چاریکیرک آله جغه مقابل جبرائیل طرفندن ویرلدیکنی اتیان و ابراهیم دخی کندوسنک خانه سندن هیچ برشی چیقمقدیفنی بیان ایدیلر .

مدعی عمومیک طرفندن بالا عطا قرائت ایتدیریلان شهود پوصله سنده اسی محرر اولوب دعوت واقعه به اتباعاً ورود ایتدیکنی خبر ویریلان فاتح جوارنده چرچرده منلا زیرک محله سنده کلیدسا جامع شریفی زقاغنده خیریه خانمک خانه سنده اقامت ایتدیکنی والی یا شنده سیواسلی اولدیفنی سولیان مصطفی افندی ابن احمد متهملردن جبرائیل ایله مشترکاً برخانه ده اقامت ایتکده اولدق لری ومرقوم جبرائیل ابراهیمک دکاندن چیقدقندن سوکره برکون ابراهیمک دکانی اوکندن کچمکده ایکن مرقوم ابراهیمک کندوسی چاغه رق جبرائیل بورادن چیقدی قابزنک ایدیور ایش شیه ایتدم آتی کوزت دیدیکنی وبالا آخره بر کون جبرائیلک یاننده چراقلی ایدن اوغلی کاظمی کوره رک نزهه کیتدیکنی صورددقه جبرائیلک ویردیک ایک چاریک ایله کور آله کیتدیکنی سولسی اوزرینه کاظمک ائنده کی چاریکیرک باقره رق قلب اولدق لری اکلامسیله آلوب کاظمه خالص چاریک ویردیکنی ومذکور قلب چاریکیرکی باب ضبطیه به کوتوروب اخبار کیفیت ایدلیکنی واسکندر ایله جبرائیلک کیه لری برلکده یاتوب قالمقده ویکدیکرینه قرداش دیمکده اولدق لری مضبوط افاده سی وجهله اخبار وشهادتی حاضر بولنان متهملر حقنده ایدوکی تذکار ایلدی .

بوشاهدک ذات وشهادته نه دیه جکری متهملردن صورلدقده بونلردن ابراهیم واسکندر جبرائیلک قلب اچقه اعمال ایتدیکندن معلوماتری اولدیفنی بیان وجبرائیلده برده جکی اولدیفنی اتیان ایدیلر .

(مابعدی کله جک نسخه به)

خریستینایی ضرب ایدلیکی شهادتله تبیین ایدن غلطه ده حام زقاغنده ساکن کاملک برهفته حبسنه خلاف تنبها ت حرکتی تبیین ایدن طوبخانه ده ساکن اسماعیلدن بش بشلک جزای نقدی استیفا سنه فیو ایله کریمه سی ضرب و جرح ایدلیکی تحقق

ایدن صوبه جی آرتا کینک اون بش کون حبسیله برابر بر آلتون آله رق مرقومه فیلویه اعطاسنه سقا محمدک مانول ایله مضارب ایدلکاری تبیین ایتکله برهفته مدته حبس لرینه

زوجیه سی رشیده بی ضرب ایدن تیمور جی ابراهیمدن بر آلتون اخذیه مزبوره به اعطاسنه زنجیه فاطمه خانم ناموسه طوقور سوز سوبلدکاری تبیین ایدن قاسم پاشاده ساکنه رفیه وجهله خاتلردن بر آلتون جزای نقدی آلمسنه

محمد اغایی ضرب و جرح ایدن الماطاغنده ساکن آرتا کینک اون بش کون حبسنه

سودجی چراغی خروستوی جرح ایتدیکنی ثابت اولان قله قیوسنده ساکن طبله کار اسماعیلدن بر آلتون اخذیه مجروح ویرلسنه

آرداشک محمدی ضرب ایتدیکنی ثابت اولدیفندن برهفته مدته حبسنه

علکسانک خلاف ممنوعیت لوتاریه جیلکی ایتدیکنی ثابت اولدیفندن بش بشلک جزای نقدی آلمسنه

ماردیکک طاش ونیقولی ضرب وامالنه ایراث خسار ایدلیکی ثابت اولدیفندن یکریمی کون مدته حبسنه ودرت آلتون آلتوب مضروب ویرلسنه

مارینک امیلیه مخل ناموس سوز سوبلدیکنی ثابت اولدیفندن بر آلتون جزای نقدی آلمسنه

فوطینک پاویلیه مخل ناموس سوز سوبلدیکنی ثابت اولدیفندن اوچ کون حبسنه

نیازی افندیکنک پولیس جال افندی ضرب ایتدیکنی ثابت اولدیفندن برهفته حبسنه

واسیلک لغوری ضرب و جرح ایتدیکنی ثابت اولدیفندن برهفته حبسنه

آریستیدینک تئودوره ی ضرب ایتدیکنی ثابت اولدیفندن بریقچ لیرا آلتوب مزبوره به اعطاسنه

استرانتینک پناویطی ضرب و جرح ایتدیکنی ثابت اولدیفندن بر آلتون آلتوب مضروب ویرلسنه

پنسانینک علیی ضرب و جرح ایتدیکنی ثابت اولدیفندن بر آلتون آلتوب مضروب ویرلسنه

استفانینک واسیل جرح ایتدیکنی ثابت اولدیفندن اوچ ماه مدته حبسنه

مصطفاک محمد علینک خانه سنه طاش آلدیفنی ثابت اولدیفندن یکریمی درت ساعت حبسنه والی

جورجینک دستپای ضرب ایتدیکنی ثابت اولدیفندن ایک آلتون آلتوب مزبوره به اعطاسنه

حسنک میشونی ضرب و جرح ایتدیکنی ثابت اولدیفندن اون بش کون مدته حبسنه

حسينك ميكنك اچهن سرت ايتديكي ثابت اولديغندن اوچ ماه حبسنه وختام مدت جزائيه سنده ضابطه جه كفالته ربطه

ژاندارمه صالح چاوشك صالحی ضرب ايتديكي ثابت اولديغندن برهفته حبسنه

طودورا ايله پتونك پرافيسلي ضرب وجرح ايتدكلى ثابت اوله مديغندن برائتلىنه فقط اناستاشيا ايله لفقوي واناك اناستاشياي ضرب وجرح ايتدكلى ثابت اولديغندن هر ايكسندن بر آلتون آلتوب مضروب لره ويرلسنه

شكرينك محمدی ضرب وجرح ايتديكي ثابت اولديغندن برهفته حبسنه

ياني ويوركينك نيقوله به محل ناموس سوز سويلدكلى ثابت اولديغندن بشر كون حبسلىنه

محمدك اسماعيلك يصديغنى سرت ايتديكي ثابت اولديغندن اوچ ماه حبسنه وختام مدت جزائيه سنده ضابطه جه كفالت ربطه

آركرينك محمدی جرح ايتديكي ثابت اولديغندن بر آلتون آلتوب مجروحه اعطاسنه

مصطفانك ابراهيمه محل ناموس سوز سويلديكي ثابت اولديغندن يارم آلتون جزای نقدی آلمسنه

آنسپاشك محمد افندی به اطاله لسان ايتديكي ثابت اولديغندن بر آلتون جزای نقدی آلمسنه

نيقولينك ياني به اطاله لسان ايتديكي ثابت اولديغندن يارم آلتون جزای نقدی آلمسنه

خريسونك آوانتيانك خانه سنه طاش آتورق محل ناموس سوز سويلديكي ثابت اولديغندن بر يچق آلتون جزای نقدی آلمسنه

قسطينك ولي افنديك كچينی سرت ايتديكي ثابت اولديغندن بر ماه حبسنه

مصطفى وحسين و محمد يوسف افنديلرك اجراى وظیفه حالنده قوچوي ضرب ايتدكلى ثابت اولديغندن اوزر كون حبسلىنه

حسن افنديك على افندی ضرب ايتديكي ثابت اولديغندن برهفته حبسنه

شوكتك ياقويه اخافه قصديه تشهير سلاح ايتديكي ثابت اولديغندن برهفته حبسنه

احمد افنديك ديكر احمدی ضرب ايتديكي ثابت اولديغندن بر آلتون آلتوب مضروب ويرلسنه

قوچونك قسطنی ضرب وجرح ايتديكي ثابت اولديغندن بر آلتون آلتوب قسطنی به ويرلسنه

كاملك طناس وادغايه اطاله لسان ايتديكي ثابت اولديغندن يارم آلتون جزای نقدی آلمسنه اسماعيلك شركت خيريه واپورندن قورشون سرت ايتديكي ثابت اولديغندن اوچ آي حبسنه وختام مدت جزائيه سنده كفالته ربطه

حافظ عبده شمسی افنديك حسن واسحق اوستيه محل ناموس سوز سويلديكي وبونلردن حسنی ضرب ايتديكي ثابت اولديغندن بر آي حبسنه طومه وطناس وخرستونك يكديكريه مضارب ايتدكلى وبونلردن طومه نك خرسويه اطاله لسان ايتديكي ثابت اولديغندن اون كون وديكر مظنون طناس وخرستونك برهفته مدتله حبسلىنه

اناستينك سيمونك سماورینی طولانديرديغي ثابت اولديغندن اوچ آي حبسنه و بر آلتون جزای نقدی آلمسنه بك اوغلی بدایت محكمه سی جزا دائره سنجه قرار ویرلشد.

مُجَامَلَاتُ نَتَبَاهِيَّة

قغال قضاسی نائی و بدایت محكمه سی رئيسی توفیق افنديك مأموریت سابقه سی اولان غمانیه قضاسی نیابت و بدایت محكمه سی ریاستنده بولنديغي صروده وظائف مأموره سنجه بعض كونه خلاف قانون حرکات و معاملات اجتناساری طولانی آطنه ولايتی استیناف مدعی عمومیلکندن وارد اولان اوراق تحقیقه محتویاتندن مستبان اولسنه مبنی محاکمه آلتنه آلمسنه عدلیه نظارت جلیله سندن مأذونیت ویریلهرک محله تبلیغات مقتضیه اجرا و کیفیت محاکمه سیله وظیفه شرعیه سنه متعلق سوء معاملاتندن ناشی اقتضای حاکم ایفاسی لزومی ده طرف عالی مشیختناهی به تبلیغ و انبا قلمشدر .

عقره قضاسی بدایت محكمه سی اعضاسندن مستنطق محمد علی ومنصور ومستنطق معاونی عبدالرحمن ومدعی عمومی معاونی وکیلی عباس افنديلرك بر شخصی خلاف قانون اولهرق توقیف ایلدكلى موصل ولايتی استیناف محكمه سی مدعی عمومیلکندن وارد اولان اوراق تحقیقه مندرجاتندن مستبان اولسنه مبنی مومی الیهمک محاکمه آلتنه آلتورینه عدلیه نظارت جلیله سندن مأذونیت ویریلهرک مذکور مدعی عمومیلکه تبلیغات مقتضیه اجرا ایلدشدر .

اِئْلَانَات

انجمن اداره عدليه

درسعات برنجی تجارت محكمه سی مفروشاتك قسم تجیدی موقع مناقصه وضع ایدلمش و شهر حال رومینك یكرمی دردنجی بازار ايرتسی كونی قرار موقتك و یكرمی یدنجی پنجشنبه كونی قرار قطعیسنك اعطاسی مقرر بولنش اولغله مفروشات مذكوره بی اعطایه واعماله طالب اولان و شرائطی اكلامق ایستینلرك ایام مذكوره ظرفنده جمعه وپازاردن ماعدا هركون ساعت التیدن اونه قدر تأمینات اچهلرینی مستصحباً انجمن اداره عدلیه ویا محاسبیه مراجعت ایللری اعلان اولنور .

تجارت بحریه محكمه سنده

چارشوی کیرده قالباقیلر باشنده دکاننده ساکن ایکن تجارت بحریه محكمه سندن افلاسنه حکم اولنش اولان استبان صرافیان شرکتی ذمتنده آله جغنی اثبات ویا موقتاً قبول وقید ایتدیرمش اولان آله جقلوك قانوننامه تجارتك ۲۱۱ نجی و آئی ولی ایدن ماده سی موجبنه مفلس طرقدن تکلیف اولنه جق قوقورداتونك مذاکره سی ایچون ۳۳۳ سنه سی ایلونك یكرمی یدنجی پنجشنبه كونی محكمه مذكوره نك مصالح افلاسیه رؤیتنه مخصوص اوطه سنه کللری اعلان اولنور .

درسعات اهمومات نظامه اجرا داره سنده :

یوانیس دیمتریادیسك لفر ذمتنده محكوم به آله جغنی اولان مبالغك تأمین استیفاسی ایچون محجوز بولنان ومدیونك پدردن منتقل اولوب بلاطده حاجی عیسی محله سنده محكمه التی زؤاغنده واقع تخمیناً اوتوزسکر آرشون عرصه اوزرینه مبنی فوقنده بر باب اوطه بی حاوی اولان برنومرولی باقرچی دكانك اوچ حصه اعتباریه بر حصه سی اجرا قلنان مزایده نتیجه سنده لیرای عثمانی یوز غروش حسابیه بیک بشیوز غروشده طالبی عهده سنده تقرر ایدرك موقتاً قرارداده سی کشیده قلمش اولديغندن یوزده بش ضم ايله طالب اولانلرك تاریخ اعلاندن اعتباراً نهایت اوتوز بر كون ظرفنده درسعات اعلامات نظامیه اجرا دائره سنده مراجعت ایللری اعلان اولنور .